

Broj: 2136-1/24  
Sarajevo, 27.12.2024. godine

Na osnovu člana 71. Zakona o turizmu („Službene novine KS“, broj 19/16, 31/17, 34/17 i 13/21), člana 30. Statuta („Službene novine KS“, broj 32/17), Programa rada i Finansijskog plana Turističke zajednice Kantona Sarajevo za 2024. godinu, Pravilnika o dodjeli poticajnih sredstava tradicionalnim i starim zanatima u cilju razvoja turističkog proizvoda u Kantonu Sarajevo broj: 1827-10/24 od 07.11.2024. godine i Odluke o raspisivanju JAVNOG POZIVA 4/2024 POTICAJ TRADICIONALNIM I STARIM ZANATIMA U CILJU RAZVOJA TURISTIČKOG PROIZVODA U KANTONU SARAJEVO broj: 2136/24 od 27.12.2024. godine, Predsjednik Turističke zajednice Kantona Sarajevo **raspisuje**

## **JAVNI POZIV 4/2024**

### **POTICAJ TRADICIONALNIM I STARIM ZANATIMA U CILJU RAZVOJA TURISTIČKOG PROIZVODA U KANTONU SARAJEVO**

#### **I - PREDMET JAVNOG POZIVA**

Predmet JAVNOG POZIVA 4/2024 (u daljem tekstu JP) je dodjela finansijskih sredstava tradicionalnim i starim zanatima u cilju razvoja turističkog proizvoda u Kantonu Sarajevo. Finansijska podrška starim i tradicionalnim zanatima ima cilj očuvanje kulturno-historijskog naslijeđa i obogaćivanje turističkog proizvoda Kantona Sarajevo. Poziv je usmjeren isključivo ka zanatlijama koji svojim radom doprinose autentičnosti i prepoznatljivosti destinacije, te omogućavaju posjetiteljima da dožive jedinstvenu vrijednost lokalne tradicije i vještina. Na ovaj način, Turistička zajednica KS želi podstaći razvoj održivog turizma i očuvati zanate kao značajan dio identiteta Sarajeva. Također, povezivanje turizma i starih zanata odličan je način da se valorizira kulturno-historijsko naslijeđe i stvori jedinstvena turistička ponuda koja privlači posjetitelje i podstiče lokalni razvoj.

#### **II - CILJ JAVNOG POZIVA**

Ciljevi JP kroz dodjelu poticaja su:

1. Očuvanje tradicionalnih zanata kao dijela kulturno-historijskog naslijeđa,
2. Povećanje atraktivnosti turističke destinacije kroz prezentaciju starih zanata,
3. Stvaranje prepoznatljivog identiteta i imidža turističke destinacije kroz promociju lokalnih proizvoda i zanata,
4. Unapređenje i obogaćivanje turističke ponude kroz organizaciju interaktivnih radionica i demonstraciju starih zanata,
5. Kreiranje novih turističkih proizvoda,
6. Povećanje zapošljavanja u sektoru starih zanata i njihov doprinos turističkom razvoju,
7. Stimulisanje saradnje između starih zanatlija i turističkih agencija radi uvrštavanja zanatskih radionica u turističke programe.

#### **III - PRAVO NA PODNOŠENJE PRIJAVE**

Pravo na dodjelu poticaja mogu ostvariti obrti čije djelatnosti direktno ili indirektno doprinose razvoju, unapređenju i promociji turističke ponude i turističkog proizvoda, kao i jačanju konkurentnosti turističkog sektora na području Kantona Sarajevo poticanjem razvoja tradicionalnih i starih zanata.

**Sredstva poticaja dodjeljivaće se obrtima koji ispunjavaju sljedeće opće kriterije:**

- da je obrtnička djelatnost registrovana u skladu sa Zakonom o obrtu i srodnim djelatnostima u Federaciji Bosne i Hercegovine ("Službene novine Federacije BiH", broj 75/21), najkasnije do dana objave Javnog poziva;
- da je sjedište djelatnosti registrovano na području Kantona Sarajevo;
- da je djelatnost za fizička lica koja istu obavljaju u skladu sa Pravilnikom o popisu obrta ("Službene novine Federacije BiH, broj 42/22), registrovana kao osnovno zanimanje;
- da je djelatnost za fizička lica koja istu obavljaju u skladu sa Uredbom o zaštiti tradicionalnih i starih zanata ("Službene novine Federacije BiH", broj 28/22), registrovana kao osnovno zanimanje.

<b>TRADICIONALNI I STARI ZANATI PREMA UREDBI O ZAŠTITI TRADICIONALNIH I STARIH ZANATA KOJI SE MOGU PRIJAVITI NA JAVNI POZIV</b>		
<b>Šifra djelatnosti prema KD BiH 2010</b>	<b>Naziv tradicionalnog i starog zanata</b>	<b>Grupa</b>
<b>10.83</b>	<b>Prerada čaja i kafe:</b> proizvodnja proizvoda od kafe – mljevena kafa (obrada pržene kafe tucanjem - ali samo u dibeku ili avanu)	<b>Grupa A</b>
<b>13.20</b>	<b>Tkanje tekstila (na ručnom tkalačkom stanu):</b> proiz. tkanina od pređe pamučnog tipa, vunenog tipa, od češljane vune ili od pređe svilenog tipa, uključujući mješavine, te od umjetne ili sintetičke pređe (polipropilen itd.); proiz. ostalih širokih tkanina od lana, ramije, konoplje, jute, lika i specijalne pređe; ...	
<b>13.93</b>	<b>Proizvodnja tepiha i prekrivača za pod (isključivo na tradicionalni način):</b> proizvodnja tekstilnih prekrivača za pod (tepiha, ćilima, prostirki, hasura i otirača); proizvodnja iglom rađenih prekrivača za pod od filca; ...	
<b>14.31</b>	<b>Proizvodnja pletenih i heklanih čarapa (isključivo ručni rad):</b> proizvodnja čarapa, uključujući i kratke čarape, triko-čarape i hula-hop; ...	
<b>18.12</b>	<b>Ostalo štampanje:</b> izrada kaligrafijom (lijepim pisanjem) različitih tekstova, dokumenata, brošura, .	
<b>24.54</b>	<b>Livanje ostalih obojenih metala (isključivo na tradicionalni način):</b> livanje odlivaka od teških metala; livanje odlivaka od plemenitih metala; ...	
<b>25.29</b>	<b>Proizvodnja ostalih metalnih cisterni, rezervoara i sličnih posuda:</b> proizvodnja spremnika, cisterni i sličnih metalnih posuda; umjetnička obrada kazandžijskih proizvoda; ...	

25.99	<b>Proizvodnja ostalih gotovih proizvoda od metala, d. n.:</b> proizvodnja sefova, ormara i kasa, oklopnih vrata i dr.; izrada i popravak ručnih mlinova; umjetnička izrada raznih proizvoda od gvožđa, bakra i drugih metala; ...	
49.39	<b>Ostali kopneni prevoz putnika, d.n.:</b> prevoz putnika zaprežnim vozilima	
90.03	<b>Umjetničko stvaralaštvo:</b> restauriranje umjetničkih djela poput slika itd.	
14.19	<b>Proizvodnja ostale odjeće i pribora za odjeću:</b> proizvodnja šešira i kapa; proizvodnja ostalog pribora za odijevanje: rukavice, pojasevi, šalovi, mašne, kravate, mreže za kosu i dr.; proizvodnja pokrivki za glavu od krzna; ...	<b>Grupa B</b>
25.50	<b>Kovanje, presovanje, štancanje i valjanje metala; metalurgija praha:</b> kovanje (umjetničko); izrada konjskih potkovića i ploča i potkivanje konja; ...	
25.71	<b>Proizvodnja sječiva:</b> proizvodnja sablji, mačeva, bajuneta itd.	
32.40	<b>Proizvodnja igara i igračkaka:</b> proizvodnja lutki i odjeće i pribora za lutke; proizvodnja igračkaka u obliku životinja,...	<b>Grupa C</b>

#### IV – VRSTE POTICAJA

Finansijska poticajna sredstva mogu biti korištena za:

- Nabavku alata, mašina, sirovina i repromaterijala;
- Doprinos očuvanju izvorne tehnike izrade i kvaliteta i autentičnosti proizvoda;
- Doprinos unapređenju i razvoju turističke ponude – zanati koji imaju direktan uticaj na razvoj turističkih aktivnosti i proizvoda;
- Inovativne i kreativne projekte prilagođavanja tradicionalnih zanata modernim turističkim zahtjevima (npr. organizacija radionica za turiste);
- Zapošljavanje i obuka kadrova u oblasti tradicionalnih zanata (kroz prenos znanja i vještina na nove generacije, osigurava se kontinuitet i autentičnost zanatske tradicije i čuva se zanatska tradicionalna baština);
- Promociju djelatnosti, proizvoda i usluga, kao i druge aktivnosti vezane za održivost, razvoj i unapređenje poslovanja.

#### V - UKUPNI IZNOS SREDSTAVA

Sredstva predviđena za ovaj JP iznose **500.000,00 KM**.

Finansijska sredstva mogu biti dodijeljena u maksimalnom iznosu do 5.000,00 KM po prijavi za djelatnost registrovanu kao osnovno zanimanje

## **VI – KRITERIJI ZA DODJELU SREDSTAVA**

Posebni kriteriji za dodjelu poticajnih sredstava su:

### **1. Kvalitet projekta (do 25 bodova)**

- Jasnoća i relevantnost ciljeva (do 10 bodova):  
*(Ocjenjuje se koliko su ciljevi jasno definirani, mjerljivi i relevantni za razvoj turizma i očuvanje starih zanata)*
- Plan aktivnosti (do 10 bodova):  
*(Procjenjuje se koliko su aktivnosti detaljno razrađene, te koliko je plan realan i izvodljiv u predviđenom vremenskom okviru)*
- Inovativnost (do 5 bodova):  
*(Projekti koji uvode inovativne pristupe ili metode u očuvanju starih zanata i promociji kroz turizam)*

### **2. Doprinos razvoju turizma (do 20 bodova)**

- Iskustveni turizam (do 10 bodova):  
*(Ocjenjuje se koliko projekat može privući turiste kroz interaktivne i edukativne radionice, demonstracije ili druge aktivnosti)*
- Obogaćivanje i unapređenje turističke ponude (do 10 bodova):  
*(Koliko se projekat uklapa u postojeću turističku infrastrukturu i kako doprinosi širenju turističke ponude destinacije)*

### **3. Doprinos očuvanju kulturne baštine (do 15 bodova)**

- Očuvanje tradicionalnih vještina (do 10 bodova):  
*(Procjenjuje se koliko projekat doprinosi očuvanju i prenošenju tradicionalnih vještina na mlađe generacije)*
- Promocija kulturno-historijske baštine (do 5 bodova):  
*(Koliko projekat doprinosi podizanju svijesti o značaju starih zanata u očuvanju kulturne baštine i identiteta lokalne zajednice)*

### **4. Ekonomski i društveni efekti (do 15 bodova)**

- Doprinos zapošljavanju (do 10 bodova):  
*(Ocjenjuje se koliko se poticajem doprinosi otvaranju novih radnih mjesta ili održivom zapošljavanju u sektoru starih zanata)*
- Doprinos lokalnoj zajednici (do 5 bodova):  
*(Koliko projekat ima pozitivan uticaj na lokalnu zajednicu u smislu poboljšanja ekonomske i socijalne situacije)*

### **5. Održivost (do 15 bodova)**

- Finansijska održivost (do 10 bodova):  
*(Ocjenjuje se koliko je projekat ekonomski održiv nakon završetka poticaja, odnosno da li će imati dugoročan uticaj na zanatstvo i turizam)*
- Potencijal za daljnji razvoj (do 5 bodova):

*(Koliko projekat ima potencijala za daljnje širenje ili razvoj u budućnosti, uključujući mogućnosti za dodatno finansiranje ili širenje turističke ponude)*

## **6. Pripremljenost i kapacitet podnosioca prijave (do 10 bodova)**

- Iskustvo (do 5 bodova):

*(Procjenjuje se dosadašnje iskustvo podnosioca prijave u vođenju sličnih projekata ili aktivnosti vezanih za stare zanate i turizam)*

- Organizacijski kapaciteti (do 5 bodova):

*(Procjenjuje da li je obrt dovoljno kapacitiran u smislu resursa, ljudskih, materijalnih i finansijskih, za realizaciju predloženog projekta)*

## **7. Dužina poslovanja (do 10 bodova)**

*(Boduje se dužina poslovanja obrta)*

Utvrđuje se sljedeća tabela bodovanja:

<b>R.B.</b>	<b>Kriteriji za evaluaciju i bodovanje</b>	<b>Način raspodjele bodova</b>	<b>Bodovi</b>	<b>Makimalan broj bodova</b>
1.	Kvalitet projekta	Jasnoća i relevantnost ciljeva	do 10	do 25
		Detaljan plan aktivnosti	do 10	
		Inovativnost	do 5	
2.	Doprinos razvoju turizma	Iskustveni turizam	do 10	do 20
		Obogaćivanje i uapređenje turističke ponude	do 10	
3.	Doprinos očuvanju kulturne baštine	Očuvanje tradicionalnih vještina	do 10	do 15
		Promocija kulturno-historijske baštine	do 5	
4.	Ekonomski i društveni efekti	Doprinos zapošljavanju	do 5	do 10
		Doprinos lokalnoj zajednici	do 5	
5.	Održivost	Finansijska održivost	do 5	do 10
		Potencijal za daljnji razvoj	do 5	
6.		Iskustvo	do 5	do 10

	Pripremljenost i kapacitet podnosioca prijave	Organizacijski kapaciteti	do 5	
7.	Dužina poslovanja	duže od 10 godina	10	do 10
		5 do 10 godina	8	
		3 do 5 godina	5	
		1 do 3 godine	3	
		manje od 1 godine	1	
<b>MAKSIMALAN BROJ BODOVA</b>				<b>100</b>

Način bodovanja:

- Projekti koji osvoje više od 80 bodova smatraju se izuzetno kvalitetnim i prioritetni su za dodjelu poticaja.
- Projekti sa 60–80 bodova zadovoljavaju većinu kriterija i također su konkurentni za finansiranje.
- Projekti ispod 60 bodova će biti odbačeni i istim se neće dodijeliti poticaj.

## VII – POTREBNA DOKUMENTACIJA ZA PRIJAVU

Prijava mora sadržavati sljedeće dokumente, original ili kopije originala ovjerene od strane nadležnog organa (općina, notar, sud):

- 1) **Prijavni obrazac** elektronski popunjen i ovjeren potpisom ovlaštenog lica i pečatom podnosioca prijave (original) (*Napomena: Nalazi se na web stranici TZKS [www.visitsarajevo.ba](http://www.visitsarajevo.ba)*);
- 2) **Isprave i drugu dokumentaciju**, kako slijedi:
  - a) Rješenje za obavljanje obrta kao osnovnog zanimanja, usklađeno sa Zakonom o obrtu i srodnim djelatnostima ("Službene novine Federacije BiH", broj 75/21), izdato od nadležnog općinskog organa (kopija originala koja nije starija od 3 mjeseca od dana objavljivanja JP ovjerena od nadležnog organa);
  - b) Uvjerenje o poreskoj registraciji - identifikacijski broj (ID broj) (kopija originala koja nije starija od 3 mjeseca od dana objavljivanja JP ovjerena od nadležnog organa);
  - c) Obavještenje o razvrstavanju pravnog lica prema klasifikaciji osnovne djelatnosti, koje izdaje Federalni zavod za statistiku - Služba za statistiku za područje Kantona Sarajevo prema Klasifikaciji djelatnosti KD BiH 2010 ("Službeni glasnik BiH", broj 47/10) (kopija originala koja nije starija od 3 mjeseca od dana objavljivanja JP ovjerena od nadležnog organa);
  - d) Uvjerenje o registraciji obveznika poreza na dodanu vrijednost ili u slučaju da podnositelj prijave nije obveznik po ovom osnovu potrebno je dostaviti uvjerenje Uprave za indirektno oporezivanje da isti nije upisan u Jedinostveni registar obveznika indirektnih poreza (kopija originala koja nije starija od 3 mjeseca od dana objavljivanja JP ovjerena od nadležnog organa);
  - e) Dokaz o izmirenim poreznim obavezama Uprave za indirektno oporezivanje, ukoliko je podnositelj prijave PDV obveznik (original koji nije stariji od 3 mjeseca od dana objavljivanja JP ili kopija originala ovjerena od nadležnog organa);

*(Napomena: Kao dokaz o ispunjavanju uslova iz ove tačke prihvata se sporazum aplikanta sa nadležnim poreskim institucijama o reprogramiranom, odnosno odloženom plaćanju obaveza, uz dostavljanje potvrde od strane poreskih organa da ponuđač u predviđenoj dinamici izmiruje svoje reprogramirane obaveze);*

- f) Uvjerenje Porezne uprave Federacije Bosne i Hercegovine o izmirenim obavezama po osnovu poreza i doprinosa sa obaveznim prilogom - Lista osiguranika za obveznika (original koji nije stariji od 3 mjeseca od dana objavljivanja JP ili kopija originala ovjerena od nadležnog organa);
- g) Ugovor ili potvrda banke o otvorenom bankovnom računu na ime podnosioca prijave (original ili kopija originala ovjerena od nadležnog organa);
- h) Potvrda izdata od strane nadležnog općinskog organa, o periodu trajanja obrta pod nazivom obrta podnosioca prijave, koja obavezno uključuje datum početka obavljanja obrtničke djelatnosti (original sa datumom izdavanja koji nije stariji od 3 mjeseca od dana objavljivanja JP ili kopija originala ovjerena od nadležnog organa);
- i) Izjava ovlaštenog lica podnosioca prijave u originalu, ovjerena potpisom ovlaštenog lica i pečatom podnosioca prijave, nadovjeren od nadležnog organa (općina, sud ili notar), kojom ovlašteno lice pod punom moralnom, materijalnom i krivičnom odgovornošću potvrđuje:
  - da se protiv njega ne vodi krivični postupak, kao i da nije pravosnažno osuđen za počinjenje krivičnog djela i/ili privredni prijestup;
  - da će poslovni subjekt u kojem je ovlašteno lice namjenski utrošiti sredstva u skladu sa projektom koji je dostavio u svojoj prijavi na JP i da podnosiocu prijave po istom osnovu nisu odobrena sredstva iz budžeta Kantona Sarajevo ili Federacije BiH do dana prijave na JP; i
  - da je podnosilac prijave u kojem je ovlašteno lice saglasan da Turistička zajednica Kantona Sarajevo i Komisija za izbor korisnika poticajnih sredstava po ovom JP mogu obrađivati dokumente kojima se dokazuje lični identitet lica u vezi sa predmetnom prijavom shodno odredbama Zakona o zaštiti ličnih podataka ("Službeni glasnik BiH", br. 49/06, 76/11 i 89/11) (*Napomena: Nalazi se na web stranici TZKS [www.visitsarajevo.ba](http://www.visitsarajevo.ba)*).

## **IX - KOMPLETIRANA/UREDNA PRIJAVA**

Kompletirana prijava obavezno mora sadržavati sve potrebne isprave i dokumentaciju iz Poglavlja VII ovog JP, a ove isprave i dokumentacija trebaju biti poredane tačnim redoslijedom koji je propisan navedenim Poglavljem. Prijava treba biti uvezana jemstvenikom, a sve strane prijave ovjerene pečatom podnosioca prijave i potpisom ovlaštenog lica podnosioca prijave. *Napomena: Neće se uzeti u razmatranje prijave uvezane spiralnim ili tvrdim uvezom.*

Neophodni obrasci i izjave moraju biti popunjeni **isključivo elektronski**.

Kopija originala ovjerena od strane nadležnog organa u skladu sa Zakonom o ovjeravanju potpisa, rukopisa i prepisa i Zakonom o notarima, je kopija dokumenta ovjerena u općini, kod notara ili na sudu.

Podnosilac prijave ima pravo podnijeti samo jednu prijavu.

## **X - PRIJAVE KOJE SE NEĆE RAZMATRATI**

Nepotpuna, neblagovremena i neuredna prijava neće biti uzeta u razmatranje za sufinansiranje, i to:

- **Nepotpunom/nekompletiranom prijavom** smatra se prijava uz koju nisu priloženi svi dokazi/dokumenti o ispunjavanju uslova naznačenih u JP;
- **Neblagovremenom prijavom** se smatra prijava koja je podnesena/dostavljena nakon krajnjeg roka za dostavljanje prijave koji je određen u JP;
- **Neurednom prijavom** se smatra prijava koja nije popunjena elektronskim putem i prijava koja nije uvezana jemstvenikom;
- Također, **neurednom prijavom** se smatra prijava koja je dostavljena u koverti na kojoj nije naznačena tačna adresa primaoca, JP na koji se prijavljuje i tačna adresa pošiljaoca, kao i u kojima su nepotpuno i netačno/nepravilno ispunjeni obrasci i izjave, nepotpisani i neovjereni obrasci i izjave.

Neće se uzeti u razmatranje ni sljedeće prijave:

- Prijava podnosioca koji su ranije dobili sredstva na jedan od načina sufinansiranja od strane Turističke zajednice KS, a čiji utrošak i namjenu nisu opravdali ili nisu opravdali na propisan način ili nisu izvršili povrat sredstava;
- Prijava sa projektom koji nije u skladu sa namjenom, odnosno sa predmetom, svrhom i ciljevima JP.

## **XI - EVALUACIJA PRIJAVA I ROK ZA DONOŠENJE ODLUKE O ODABIRU**

Prijave ocjenjuje komisija koju rješenjem imenuje Predsjednik Turističke zajednice KS iz reda zaposlenika. Komisija vrši ocjenu prijave na osnovu Pravilnika o dodjeli poticajnih sredstava tradicionalnim i starim zanatima u cilju razvoja turističkog proizvoda u Kantonu Sarajevo.

Konačna odluka o izboru finansijskoj podršci donosi se u roku od najduže 30 dana od zatvaranja JP i objavljuje se na zvaničnoj internet stranici [www.visitsarajevo.ba](http://www.visitsarajevo.ba).

## **XII - PRIGOVOR**

Podnosioci prijave imaju pravo prigovora na odluku o izboru u roku od 3 (tri) dana od dana objave na zvaničnoj web stranici Turističke zajednice KS [www.visitsarajevo.ba](http://www.visitsarajevo.ba).

## **XIII - OBAVEZA KORISNIKA ODOBRENIH SREDSTAVA**

Korisnik kome budu dodijeljena finansijska sredstva dužan je u roku od šest (6) mjeseci od dana dobijanja sredstava dostaviti izvještaj o namjenskom utrošku dobijenih sredstava (Obrazac II - Izvještajni obrazac).

Korisnik sredstava koji ne dostavi izvještaj sa relevantnom finansijskom dokumentacijom o namjenskom utrošku sredstava, obavezuje se izvršiti povrat nenamjenski utrošenih ili neiskorištenih sredstava Turističkoj zajednici KS u roku od 7 (sedam) dana od dana zaprimanja pismenog zahtjeva za povrat istih.

Ukoliko korisnik sredstava ne postupi po pismenom zahtjevu Turističke zajednice KS, pokrenut će se postupak povrata dodijeljenih sredstava na račun Turističke zajednice KS.

Ukoliko se utvrdi da podnosilac prijave, po bilo kojoj osnovi, ima dugovanja i neizmirenih obaveza prema Turističkoj zajednici KS njegova prijava će biti odbijena.



Sva plaćanja u vezi sa aktivnostima implementacije projekta se moraju odvijati preko bankovnog tekućeg računa korisnika poticajnih sredstava na koji su uplaćena sredstva.

Prihvatljiv dokaz za pravdanje troškova koji se navode u izvještaju korisnika sredstava predstavlja faktura izdavaoca sa svim zakonom predviđenim elementima, fiskalni račun iz kase (sa ili bez obračunatog PDV-a zavisno od toga da li je izdavalac u sistema PDV-a) i izvod iz banke na kome se vidi da je plaćanje izvršeno.

#### **XIV - MJESTO I ROK ZA DOSTAVLJANJE PRIJAVA**

Prijava na JP dostavlja se lično ili putem preporučene pošte na adresu:  
TURISTIČKA ZAJEDNICA KANTONA SARAJEVO  
ul. Dalmatinska 2/IV  
71000 Sarajevo

Prijava se dostavlja u zatvorenoj neprovidnoj koverti sa naznakom:  
PRIJAVA NA JAVNI POZIV 4/2024 - POTICAJ TRADICIONALNIM I STARIM  
ZANATIMA U CILJU RAZVOJA TURISTIČKOG PROIZVODA U KS  
NE OTVARAJ

Na poleđini koverta obavezno je navesti sljedeće: puni naziv podnosioca prijave, adresa i kontakt telefon, te ovjeriti pečatom

Rok za podnošenje prijave je **20.01.2025. godine.**

Dokumenti koji se dostavljaju kao prijava na JP ne vraćaju se aplikantu.

#### **XV - DODATNE INFORMACIJE**

Turistička zajednica KS ne snosi nikakve troškove nastale pripremom, sačinjavanjem i dostavljanjem prijave, te podnosilac prijave nema prava na naknadu bilo kakvih troškova po osnovu učešća na ovom JP.

Nakon donošenja odluke o izboru korisnika sredstava Turistička zajednica KS sa odabranim korisnicima sredstava zaključuje pojedinačne ugovore o realizaciji odobrenih sredstava.

Za dodatne informacije aplikanti se mogu obratiti isključivo do 5 dana prije zatvaranja JP, i to radnim danom u vremenu od 12:00 do 14:00 sati, putem kontakt telefona 033 252 000 i mail adrese: [info@visitsarajevo.ba](mailto:info@visitsarajevo.ba).

Predsjednik  
Turističke zajednice Kantona Sarajevo

Dr.sci. Haris Fazlagić